

ზუგდიდის მუნიციპალიტეტი

სატენდერო დოკუმენტაცია

ერთეტაპიანი გამარტივებული ელექტრონული ტენდერის საშუალებით
ზუგდიდის მუნიციპალიტეტის დარჩელის ადმინისტრაციულ ერთეულში
ცენტრის კეთილმოწყობის (სკვერის რეაბილიტაცია)
სამუშაოების შესყიდვაზე

ქ. ზუგდიდი, 2015 წელი

1. ინსტრუქცია ტენდერში მონაწილეობისთვის

- 1.1.** სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.
- 1.2.** წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-9 მუხლის შესაბამისად.

2. შესასყიდი სამუშაოს დასახელება, ტექნიკური დავალება და მიწოდების პირობები

2.1. შესყიდვის ობიექტი

- ზუგდიდის მუნიციპალიტეტის მიერ გამოცხადებული ერთეულოვანი გამარტივებული ელექტრონული ტენდერის შესყიდვის ობიექტს წარმოადგენს: - ზუგდიდის მუნიციპალიტეტის დარჩეული ადმინისტრაციულ ერთეულში ცენტრის კეთილმოწყობის (სკვერის რეაბილიტაცია) სამუშაოების შესყიდვა.

2.2. სამუშაოს შესრულების პირობები და ვადები

- ტენდერში გამარჯვებულმა სამუშაოს შესრულება უნდა უზრუნველყოს ხელშეკრულების დადების თარიღიდან 100 (ასი) კალენდარული დღის განმავლობაში;
- სამუშაოები უნდა შესრულდეს წინამდებარე სატენდერო დოკუმენტაციის დანართის სახით წარმოდგენილი „სამუშაოების შესრულების (ხაზობრივი) გეგმა-გრაფიკის“ - დანართი №2-ის და „შესასრულებელი სამუშაოს (ფინანსური) გეგმა-გრაფიკის“ - დანართი №3-ის მიხედვით;
- სამუშაოების შესრულების პროცესში ტენდერში გამარჯვებული პრეტენდენტი ხელმძღვანელობს მოცემული გრაფიკებით განსაზღვრული ვადებით და სამუშაოების ეტაპების განხორციელების თანმიმდევრობით;
- სამუშაოების მიმდინარეობისას, შემსყიდველის ინსპექტირების ჯგუფთან შეთანხმებით შესაძლებელია შეიცვალოს (დაზუსტდეს) გრაფიკით განსაზღვრული სამუშაოების ეტაპების განხორციელების თანმიმდევრობა. გეგმა-გრაფიკში სამუშაოების განხორციელების თანმიმდევრობის ცვლილება არ გამოიწვევს ხელშეკრულებაში დამატებით ცვლილებას;
- სამუშაოები უნდა შესრულდეს სამუშაოს ან მისი ნაწილის დასრულებისათვის დადგენილ დროში და უნდა შეესაბამებოდეს სამუშაოების განხორციელების გეგმა-გრაფიკში მოცემულ სამუშაოების ჩაბარებისა და დასრულების გეგმას;
- გრაფიკით განსაზღვრულ ვადებში სამუშაოების შეუსრულებლობა ან/და დაგვიანებით შესრულება გამოიწვევს ტენდერში გამარჯვებული პრეტენდენტის პასუხისმგებლობას, წინამდებარე სატენდერო დოკუმენტაციის ხელშეკრულების პროექტში განსაზღვრული წესის შესაბამისად.

2.3. სამუშაოთ შესრულების წესი

- სამუშაოების შესრულების წესი განისაზღვრება ამ თავითა და ხელშეკრულების პირობებით;
- შესასრულებელი სამუშაო უნდა შეესაბამებოდეს შემსყიდველი ორგანიზაციის მოთხოვნებს (საპროექტო-სახარჯთაღრიცხვო დოკუმენტაციის ფარგლებში);
- ტენდერში მონაწილე პრეტენდენტმა უნდა იხელმძღვანელოს წინამდებარე სატენდერო დოკუმენტაციის დანართის სახით წარმოდგენილი საპროექტო დოკუმენტაციით (განმარტებითი ბარათით, ნახაზებით და ხარჯთაღრიცხვით);
- სამუშაოს შესრულებაში გამოსაყენებელი მასალები, რომლებიც არ არის დაკონკრეტებული საპროექტო სახარჯთაღრიცხვო დოკუმენტაციაში, მათი სავარაუდო ვარიანტები შეთანხმებული უნდა იყოს შემსყიდველ ორგანიზაციასთან;

- სამუშაოების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს;
- სამუშაოს შესრულებისას, სამუშაოს შესრულებაში გამოსაყენებელ ძირითად მასალებზე წარმოდგენილ უნდა იქნას ხარისხის შესაბამისობის სერტიფიკატები (უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი);
- სამუშაოების ან მისი ნაწილის დასრულების შემდგომ, შესრულებული სამუშაოების სახარჯთაღრიცხვო დოკუმენტაციასთან შესაბამისობის დადგენის მიზნით შემსყიდველი განახორციელებს სამუშაოების შემოწმებას;
- შესასრულებელი სამუშაო ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, ფაქტურად შესრულებული სამუშაოების მოცულობა და ღირებულება აისახება „სამუშაოების შესრულების აქტებში“ - ფორმა №2-ში;
- საბოლოო მიღება-ჩაბარების აქტის გაფორმებამდე, შესრულებული სამუშაოების საპროექტო-სახარჯთაღრიცხვო დოკუმენტაციასთან შესაბამისობის დადგენის მიზნით ტენდერში გამარჯვებულმა პრეტენდენტმა (საკუთარი ხარჯებით) უნდა უზრუნველყოს შესრულებული სამუშაოს ექსპერტიზის ჩატარება და ექსპერტიზის დადებითი დასკვნის წარმოდგენა;
- ექსპერტიზის დასკვნა გაცემული უნდა იყოს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს ან სხვა აკრედიტებული პირის მიერ;
- საექსპერტო მომსახურების შესრულების ვადები არ იქნება დაკავშირებული სამუშაოების შესრულების ვადებთან, ექსპერტიზის დადებითი დასკვნის წარდგენა უნდა მოხდეს სამუშაოების დასრულებიდან არაუგვიანეს 30 (ოცდაათი) სამუშაო დღის ვადაში;
- შემსყიდველის მიერ უხარისხოდ შესრულებული სამუშაოების დაფიქსირების შემთხვევაში, ტენდერში გამარჯვებული ვალდებულია გონივრულ ვადაში, საკუთარი ხარჯებით უზრუნველყოს გამოვლენილი ყველა დეფექტის ან ნაკლის აღმოფხვრა;

2.4. სამუშაოს შესრულების აღრიცხვა

- ტენდერში გამარჯვებულმა ყოველდღიურად უნდა აწარმოოს სამუშაოების წარმოების ჟურნალი.

2.5. ტექნიკური დავალება

- შესასრულებელი სამუშაოების დეტალური ჩამონათვალი, აღწერილობა და საპროექტო მოცულობები მოცემულია ხარჯთაღრიცხვაში (იხ. დანართი №1);
- სამუშაოები უნდა განხორციელდეს ნახაზებისა და ტექნიკურ დავალებაში (ხარჯთაღრიცხვაში) ჩამოთვლილი სამუშაოების შესაბამისად;

2.6. სხვა დამატებითი პირობები:

- შესრულებული სამუშაოს სრულფასოვანი ფუნქციონირების საგარანტო ვადა უნდა შეადგენდეს საბოლოო მიღება-ჩაბარების აქტის გაფორმებიდან არანაკლებ 2 (ორი) წელს;
- იმ შემთხვევაში თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, პრეტენდენტმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა, აღნიშნულის თაობაზე პრეტენდენტი ვალდებულია მოთხოვნიდან 10 (ათი) სამუშაო დღის ვადაში უზრუნველყოს შესაბამისი ექსპერტიზის დასკვნის წარმოდგენა. დასკვნა გაცემული უნდა იყოს სსიპ - „ლევან სამხარაულის სახელობის სასამართლო ექსპერტიზის ეროვნული ბიურო“-ს ან სხვა აკრედიტებული პირის მიერ.

3. საკვალიფიკაციო მოთხოვნები

3.1. უფლებამოსილი ადმინისტრაციული ორგანოებიდან წარმოსადგენი საკვალიფიკაციო მონაცემები უნდა შეიცავდეს შემდეგ ცნობებსა და ინფორმაციას:

3.1.1. ოურიდიული პირისათვის:

- საკვალიფიკაციო მოთხოვნების გარეშე.

3.1.2. ფიზიკური პირისათვის:

- საკვალიფიკაციო მოთხოვნების გარეშე.

3.1.3. როგორც იურიდიული, ასევე ფიზიკური პირებისათვის:

- საკვალიფიკაციო მოთხოვნების გარეშე.

3.2. ტენდერში მონაწილე პრეტენდენტი უნდა აკმაყოფილებდეს შემდეგ საკვალიფიკაციო მოთხოვნებს:

- ტენდერში მონაწილე პრეტენდენტს უკანასკნელი 5 (ხუთი) წლის (2010 წლის 1 იანვრიდან 2015 წლის 15 ივლისამდე პერიოდში) განმავლობაში უნდა გააჩნდეს ანალოგიური ან/და მსგავსი ხასიათის, სირთულისა და შინაარსის სამუშაოების შესრულების გამოცდილება, საერთო ღირებულებით არანაკლებ 200000 (ორასი ათასი) ლარის ოდენობით. სამუშაოების ჩამონათვალი და მათი ღირებულებები წარმოდგენილი უნდა იყოს ქვემოთ მოცემული ცხრილის (დანართი №4) სახით. შესყიდვაში მონაწილეობის მსურველმა პირმა უნდა წარმოადგინოს ტენდერით გათვალისწინებული ანალოგიური ან/და მსგავსი ხასიათის, სირთულისა და შინაარსის სამუშაოების შესრულების დამადასტურებელი დოკუმენტები - შესრულებული სამუშაოების (საბოლოო) მიღება-ჩაბარების აქტ(ებ)ის ასლები.
- პრეტენდენტს ტენდერით გათვალისწინებული სამუშაოების შესასრულებლად უნდა ჰყავდეს გამოცდილი და კვალიფიცირებული პერსონალი (როგორც ძირითადი, სამუშაოების შესრულებაზე პასუხისმგებელი პირ(ებ)ი, ასევე დამხმარე პერსონალი), რომელთაც გააჩნიათ ანალოგიური ან/და მსგავსი ხასიათის, სირთულისა და შინაარსის სამუშაოების შესრულების გამოცდილება. ინფორმაცია პრეტენდენტის განკარგულებაში მყოფი ან მოსაწვევი ძირითადი მომსახურე პერსონალის გამოცდილებისა და კვალიფიკაციის შესახებ წარმოდგენილი უნდა იქნას ქვემოთ მოცემული ცხრილის (დანართი №5) სახით.

4. სატენდერო დოკუმენტაციის შესახებ დამატებითი ინფორმაცია

4.1. სახელმწიფო შესყიდვის განხორციელების დაფინანსების წყარო

- 4.1.1. სახელმწიფო ბიუჯეტი - საქართველოს მთავრობის 2015 წლის 20 იანვრის №39 განკარგულებაში განხორციელებული ცვლილების შესახებ 2015 წლის 16 ივნისის №1234 განკარგულების თანახმად „საქართველოს რეგიონებში განსახორციელებელი პროექტების ფონდიდან“ ზუგდიდის მუნიციპალიტეტისათვის გამოყოფილი სახსრები.

4.2. სატენდერო წინადადების ფასი

- 4.2.1. სატენდერო წინადადების ღირებულება წარმოდგენილი უნდა იყოს სამუშაოების სრულყოფილად შესრულებასთან დაკავშირებული ყველა ხარჯისა და საქართველოს კანონმდებლობით დადგენილი ყველა გადასახადის გათვალისწინებით.
- 4.2.2. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
- 4.2.3. სატენდერო წინადადებაში საერთო და ერთეულის ფასი გამოსახული უნდა იყოს ეროვნულ ვალუტაში.

4.3. ანგარიშსწორების პირობები

- 4.3.1. ანგარიშსწორება განხორციელდება უნაღდო ანგარიშსწორების წესით, ფაქტიურად შესრულებული სამუშაოების გათვალისწინებით შესაბამისი მიღება-ჩაბარების აქტის (ფორმა №2), ექსპერტის დადებითი დასკვნისა და საგადასახადო ანგარიშ-ფაქტურის (ან კანონმდებლობით დაშვებული სხვა დოკუმენტის) წარდგენიდან 30 (ოცდაათი) სამუშაო დღის განმავლობაში.
- 4.3.2. მოთხოვნის შემთხვევაში განხორციელდება საავანსო ანგარიშსწორება ხელშეკრულების ჯამური ღირებულების არაუმეტეს 30%-ის ოდენობით, რაზეც წარმოდგენილი უნდა იქნას ლიცენზირებული საბანკო დაწესებულების ან სადაზღვევო ორგანიზაციის მიერ გაცემული უპირობო და გამოუთხოვადი საბანკო გარანტია. გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულების მოქმედების ვადას.
- 4.3.3. ანგარიშსწორება შესაძლებელია განხორციელდეს ეტაპობრივად, შუალედური ანგარიშსწორებით, შემდეგი თანმიმდევრობით: - პირველი შუალედური გადახდა - ხელშეკრულების ღირებულების 25%-ის ოდენობით გადახდილი იქნება პირველი შუალედური მიღება-ჩაბარების აქტის გაფორმების შემდეგ, მეორე შუალედური გადახდა - ხელშეკრულების ღირებულების 55%-ის ოდენობით გადახდილი იქნება მეორე შუალედური მიღება-ჩაბარების აქტის გაფორმების შემდეგ, საბოლოო ანგარიშსწორება - ხელშეკრულების ღირებულების 20%-ის

ოდენობით გადახდილი იქნება საბოლოო მიღება-ჩაბარების აქტისა და ექსპერტიზის დადებითი დასკვნის წარმოდგენის შემდეგ.

4.4. პრეტენდენტის სატენდერო წინადადება და ტექნიკური დოკუმენტაცია

4.4.1. პრეტენდენტის სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

- **ხარჯთაღრიცხვის შევსებულ ფორმას (დანართი №1-ის შესაბამისად, ხარჯთაღრიცხვის წარმოდგენლობა ან/და ხარჯთაღრიცხვაში არსებითი შეუსაბამობა გამოიწვევს პრეტენდენტის დისკვალიფიკაციას);**
- სამუშაოების შესრულების (ხაზობრივი) გეგმა-გრაფიკს (დადასტურებული და წარმოდგენილი უნდა იქნას დანართი №2-ის მხედვეთ);
- შესასრულებელი სამუშაოს (ფინანსური) გეგმა-გრაფიკს (ინფორმაცია წარმოდგენილი უნდა იქნას დანართი №3-ის მხედვეთ);
- ინფორმაციას ანალოგიური ან/და მსგავსი ხასიათის, სირთულისა და შინაარსის სამუშაოების შესრულების გამოცდილების შესახებ (ინფორმაცია წარმოდგენილი უნდა იქნას დანართი №4 შესაბამისად). ასევე პრეტენდენტი ვალდებულია წარმოადგინოს სამუშაოების შესრულების შესახებ მოწოდებული ინფორმაციის დამადასტურებელი დოკუმენტები - შესრულებული სამუშაოების (საბოლოო) მიღება-ჩაბარების აქტ(ებ)ის ასლები;
- ინფორმაცია ს პერსონალის გამოცდილებისა და კვალიფიკაციის შესახებ (ინფორმაცია წარმოდგენილი უნდა იქნას დანართი №5-ის შესაბამისად);
- ინფორმაციას საგარანტიო პირობების შესახებ (დადასტურებული და წარმოდგენილი უნდა იქნას დანართი №6-ის მხედვეთ);
- პრეტენდენტის შესახებ ინფორმაციას (დანართი №7-ის შესაბამისად).

4.4.2. 4.4.1. პუნქტით გათვალისწინებული ყველა დოკუმენტი და ინფორმაცია წარმოადგენს პრეტენდენტის სატენდერო წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში, პრეტენდენტის მიერ სატენდერო წინადადების შეთავაზებისას.

4.4.3. პრეტენდენტს უფლება არა აქვს წარმოადგინოს ალტერნატიული სატენდერო წინადადება.

4.4.4. სატენდერო დოკუმენტაციის შესაბამისად მოთხოვნილი ინფორმაციის ან დოკუმენტაციის წარუდგენლობის შემთხვევაში შესაძლოა მოხდეს ტენდერში მონაწილე პრეტენდენტის დისკვალიფიკაცია.

4.4.5. ტენდერში მონაწილე პრეტენდენტის სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია შედგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. ამ შემთხვევაში მოცემული სატენდერო წინადადების ინტერპრეტაციის დროს, უცხოენოვან დოკუმენტსა და მის ქართულ ენაზე შესრულებულ თარგმანს შორის უპირატესობის მინიჭების საკითხს წყვეტს სატენდერო კომისია.

4.5. სატენდერო წინადადების მომზადება და შევსების წესი

4.5.1. სატენდერო ფორმა და დანართები უნდა მომზადდეს შესაბამისი ფორმის გამოყენებით, რომელიც წარმოდგენილია სატენდერო დოკუმენტაციით. ფორმები უნდა შეიცვას ტექსტის გადაკეთების გარეშე, თითოეული ცარიელი ადგილი უნდა შეიცვას მოთხოვნილი ინფორმაციით.

4.5.2. პრეტენდენტის მიერ წარმოდგენილი ყველა დოკუმენტი და ინფორმაცია უნდა იყოს სათანადოდ უფლებამოსილი პირის მიერ ხელმოწერილი და ბეჭედ დასმული (საჭიროების შემთხვევაში ატვირთულ უნდა იქნას მინდობილობა ან რწმუნებულება).

4.5.3. პრეტენდენტის სატენდერო წინადადება ძალაში რჩება „გამარტივებული შესყიდვის, გამარტივებული ელექტრონული ტენდერისა და ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-2 მუხლის პირველი პუნქტის „ქ“, „რ“ ან „ტ“ ქვეპუნქტებით გათვალისწინებული ეტაპების დადგომამდე.

4.5.4. სხვა დამატებითი ინფორმაციისა და დოკუმენტაციის (ასეთის არსებობის შემთხვევაში) შევსების წესი განისაზღვრება დამატებით მოთხოვნებისა და/ან შენიშვნის სახით.

შენიშვნა 1): პრეტენდენტი აღნიშნულ ტენდერში მონაწილეობით ავტომატურად ადასტურებს, რომ მისთვის ცნობილია წინამდებარე სატენდერო დოკუმენტაციით დადგენილი მოთხოვნები და ინსტრუქცია ტენდერში მონაწილეობისათვის.

შენიშვნა 2): შესაძლებელია პრეტენდენტს სატენდერო კომისიის გადაწყვეტილების შესახებ და ასევე, გამარჯვების შემთხვევაში საჭირო შეტყობინებები (სათანადოდ უფლებამოსილი პირის მიერ ხელმოწერილი) გაეგზავნოს ელექტრონული ფოსტის საშუალებით.

5. სატენდერო კომისიის აპარატის იმ წევრის ვინაობა და საკონტაქტო ინფორმაცია, რომელსაც უფლება აქვს გასცეს ინფორმაცია და განმარტებები შესყიდვის პროცედურების შესახებ

- 5.1** სატენდერო დოკუმენტაციის შესახებ დამატებითი ინფორმაციის და შესყიდვის პროცედურების შესახებ განმარტებების მისაღებად დაინტერესებულ პირებს შეუძლიათ მიიღონ შემდეგი პირისაგან: - ბესიკ ქარდავა - სატენდერო კომისიის აპარატის წევრი, მისამართზე: ქ. ზუგდიდი, რუსთაველის ქ. №90, ზუგდიდის მუნიციპალიტეტის ადმინისტრაციული შენობა, მე-3 სართული, ოთახი №15, საკონტაქტო ტელეფონი: +995 595 22 27 88.

6. ხელშეკრულება სახელმწიფო შესყიდვის შესახებ (პროექტი)

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან, ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს გამარჯვებული პრეტენდენტის სატენდერო წინადადების შესაბამისად.

ერთის მხრივ, **ზუგდიდის მუნიციპალიტეტი** (შემდგომში „შემსყიდველი“), მისი უფლებამოსილი წარმომადგენლის, **ზუგდიდის მუნიციპალიტეტის გამგებლის** ედიშერ თოლორაიას სახით და მეორეს მხრივ, (შემდგომში „მიმწოდებელი“), მისი უფლებამოსილი წარმომადგენლის, სახით, „სახელმწიფო შესყიდვების შესახებ“ საქართველოს კანონის, „გამარტივებული შესყიდვის, გამარტივებული ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თვმჯდომარის 2011 წლის 7 აპრილის N9 ბრძანების და „მიმწოდებლის“ სატენდერო წინადადების საფუძველზე, განხორციელებული გამარტივებული ელექტრონული ტენდერის (SPA.....) ფარგლებში ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1 „მიმწოდებელი“ ვალდებულია კისრულობს შეასრულოს ხელშეკრულებით გათვალისწინებული სამუშაო, ხოლო „შემსყიდველი“ ვალდებულია კისრულობს აუნაზღაუროს „მიმწოდებელს“ შესრულებული სამუშაოს ღირებულება, წინამდებარე ხელშეკრულებით გათვალისწინებული პირობების შესაბამისად.
- 1.2 ხელშეკრულების საგანია „შემსყიდველის“ მიერ „მიმწოდებლისაგან“ სამუშაოს (CPV კოდი:) შესყიდვა, წარმოდგენილი ტექნიკური დოკუმენტაციის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

2. ხელშეკრულების ღირებულება

- 2.1 შესასრულებელი სამუშაოს მთლიანი, ჯამური ღირებულება შეადგენს: (.....) ლარს.

3. სამუშაოს შესრულების პირობები

- 3.1 სამუშაოს შესრულება „მიმწოდებლის“ მიერ განხორციელდება ხელშეკრულების გაფორმებიდან 100 (ასი) კალენდარულ დღში, თანდართული სამუშაოების შესრულების გეგმა-გრაფიკების მიხედვით.

4. მიღება-ჩაბარების წესი

- 4.1 შესასრულებელი სამუშაო ჩაითვლება მიღებულად მხოლოდ მიღება-ჩაბარების აქტის (ფაქტიურად შესრულებული სამუშაოების მოცულობის მიღების აქტი) გაფორმების შემდეგ.
- 4.2 შესასრულებელი სამუშაოს მიღება მოხდება სამუშაოების დასრულებისთანავე ან ეტაპობრივად მიღება-ჩაბარების აქტებით.
- 4.3 ხელშეკრულებით გათვალისწინებული სამუშაოს მიღებას ახორციელებენ „შემსყიდველს“ და „მიმწოდებლის“ მიერ საამისოდ უფლებამოსილი წარმომადგენლები, რომლებიც სამუშაოს მიღების შედეგების მიხედვით აფორმებენ მიღება-ჩაბარების აქტს.

5. ანგარიშსწორების ფორმა და წესი

- 5.1 ანგარიშსწორება „მიმწოდებელთან“ განხორციელდება შესრულებული სამუშაოს მიღების შემდეგ, უნაღდო ანგარიშსწორების სახით „მიმწოდებლის“ საბანკო ანგარიშზე თანხის გადარიცხვის ფორმით.
- 5.2 ანგარიშსწორება განხორციელდება ფაქტიურად შესრულებული სამუშაოების გათვალისწინებით შესაბამისი მიღება-ჩაბარების აქტის (ფორმა №2), ექსპერტის დადებითი დასკვნისა და საგადასახადო ანგარიშ-ფაქტურის (ან კანონმდებლობით დაშვებული სხვა დოკუმენტის) წარდგენიდან 30 (ოცდაათი) სამუშაო დღის განმავლობაში.
- 5.3 მოთხოვნის შემთხვევაში განხორციელდება საავანსო ანგარიშსწორება ხელშეკრულების ჯამური ღირებულების არაუმეტეს 30%-ის ოდენობით, რაზეც წარმოდგენილი უნდა იქნას ლიცენზირებული საბანკო დაწესებულების ან სადაზღვევო ორგანიზაციის მიერ გაცემული უპირობო და გამოუთხოვადი საბანკო გარანტია. გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულების მოქმედების ვადას.
- 5.4 ანგარიშსწორება შესაძლებელია განხორციელდეს ეტაპობრივად, შუალედური ანგარიშსწორებით, შემდეგი თანმიმდევრობით: - **პირველი შუალედური გადახდა** - ხელშეკრულების ღირებულების 25%-ის ოდენობით გადახდილი იქნება პირველი შუალედური მიღება-ჩაბარების აქტის გაფორმების შემდეგ, **მეორე შუალედური გადახდა** - ხელშეკრულების ღირებულების 55%-ის ოდენობით გადახდილი იქნება მეორე შუალედური მიღება-ჩაბარების აქტის გაფორმების შემდეგ, **საბოლოო ანგარიშსწორება** - ხელშეკრულების ღირებულების 20%-ის

ოდენობით გადახდილი იქნება საბოლოო მიღება-ჩაბარების აქტისა და ექსპერტიზის დადებითი დასკვნის წარმოდგენის შემდეგ.

6. მხარეთ უფლება-მოვალეობანი

6.1 „შემსყიდველი“ ვალდებულია:

6.1.1 უზრუნველყოს შესრულებული სამუშაოს შესაბამისი ანაზღაურების გადახდა „მიმწოდებლისათვის“, წინამდებარე ხელშეკრულების პირობათა სრული დაცვით;

6.1.2 შეუქმნას „მიმწოდებელს“ სამუშაო პირობები;

6.2 „შემსყიდველი“ უფლებამოსილია:

6.2.1 „მიმწოდებლისგან“ მოითხოვოს სამუშაოს შესრულება ხელშეკრულებით დადგენილი პირობებით და განსაზღვრულ ვადაში;

6.2.2 „მიმწოდებელს“ მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება;

6.2.3 დაუბრკოლებლივ განახორციელოს „მიმწოდებლის“ მიერ შესრულებული სამუშაოს შემოწმება;

6.2.4 „მიმწოდებლისაგან“ მოითხოვოს შესრულებული სამუშაოს შესახებ დადგენილი ფორმის მიღება-ჩაბარების აქტის გაფორმება.

6.3 „მიმწოდებელი“ ვალდებულია:

6.3.1 ხელშეკრულებით დადგენილ ვადაში, ხელშეკრულებით დადგენილი პირობებით შეასრულოს სამუშაო;

6.3.2 ხელშეკრულების მოქმედების პერიოდში „შემსყიდველს“ წარუდგინოს შესრულებულ სამუშაოებთან დაკავშირებით ნებისმიერი სახის ინფორმაცია და დოკუმენტები;

6.3.3 საკუთარი ხარჯებით უზრუნველყოს „შემსყიდველის“ მიერ გამოვლენილი ყველა ნაკლისა და დეფექტის აღმოფხვრა, რომელიც გამოწვეულია შესრულებული სამუშაოებიდან.

6.3.4 სამუშაოების შესრულებასთან დაკავშირებით მოთხოვნის შემთხვევაში წარუდგინოს „შემსყიდველს“ შესრულებული სამუშაოს შესახებ შესაბამისი პირვანდელი დოკუმენტაციის ასლები და ანგარიში, რომლის შემდეგაც ფორმდება დადგენილი ფორმის მიღება-ჩაბარების აქტი;

6.3.5 მასალების გამოყენებამდე მასალის ნიმუშები და სხვა შესაბამისი საგნები დასამტკიცებლად უნდა წარუდგინოს შემსყიდველს/ინსპექტორების ჯგუფს;

6.3.6 დაუყოვნებლივ აცნობოს „შემსყიდველს“ ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ;

6.3.7 ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს „შემსყიდველს“ შესაბამისი თანხმობის მისაღებად, (ამასთან „მიმწოდებელმა“ სამუშაოები სრულად არ უნდა გადააბაროს ქვეკონტრაქტორს).

6.4 „მიმწოდებელი“ უფლებამოსილია:

6.4.1 „შემსყიდველისაგან“ მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება;

6.4.2 მოსთხოვოს შემსყიდველს სამშენებლო სამუშაოების განსახორციელებლად ყველა საჭირო დოკუმენტაციისა და ინფორმაციის მიწოდება.

7. უფლებების გადაცემა

7.1 „მიმწოდებელს“ არა აქვს უფლება „შემსყიდველის“ წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

8. ხელშეკრულების პირობების გადასინჯვის შესაძლებლობა

8.1 წინამდებარე ხელშეკრულების პირობების, მათ შორის ფასის შეცვლა დაუშვებელია თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველისათვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე (ათი პროცენტი) მეტი ოდენობით გაზრდა.

9. ხელშეკრულებაში ცვლილებების შეტანა

9.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

9.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. შეტყობინება

10.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ფაქსის ან ელექტრონული სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

11. ხელშეკრულების შესრულების შეფერხება

11.1 ხელშეკრულების შესრულების პროცესში მხარეთ წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ხოლო შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.

11.2 იმ შემთხვევაში თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

12. გარანტია

12.1 შესრულებული სამუშაოს სრულფასოვანი ფუნქციონირების საგარანტო ვადა შეადგენს საბოლოო მიღება-ჩაბარების აქტის გაფორმებიდან (.....) წელს, რომლის განმავლობაში რაიმე წუნის აღმოჩენის შემთხვევაში, თუ დადგინდება, რომ აღნიშნული წუნი გამოწვეულია „მიმწოდებლის“ მიზეზით, მიმწოდებელი ვალდებულია შეტყობინების მიღებიდან, „შემსყიდველის“ მიერ განსაზღვრულ გონივრულ ვადაში შეასრულოს აღდგენითი სამუშაოები, „შემსყიდველის“ მხრიდან რაიმე დამატებითი დანახარჯების გაწევის გარეშე.

13. მხარეთ პასუხისმგებლობა ხელშეკრულების პირობების შეუსრულებლობისათვის

13.1 ფორს-მაჟორული პირობების გარდა, „მიმწოდებლის“ მიერ ხელშეკრულების პირობების შეუსრულებლობა ან/და დაგვიანებით შესრულება გამოიწვევს მის პასუხისმგებლობას, მოქმედი კანონმდებლობითა და წინამდებარე ხელშეკრულებით განსაზღვრული წესის შესაბამისად.

13.2 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის „მიმწოდებელს“ ეკისრება პირგასამტეხლო, ხელშეკრულების საერთო ღირებულების 0,1%-ის ოდენობით, რომლის გადახდა უნდა მოხდეს „შემსყიდველის“ წერილობითი მოთხოვნის მიღებიდან 20 (ოცი) სამუშაო დღის განმავლობაში.

13.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს „შემსყიდველს“ უფლება აქვს შეწყვიტოს ხელშეკრულება.

13.4 თუ „მიმწოდებელი“ ხელშეკრულებით განსაზღვრული ვადის ფარგლებში ვერ შეასრულებს ნაკისრ ვალდებულებებს, „შემსყიდველი“ უფლებამოსილია: - შეწყვიტოს წინამდებარე ხელშეკრულება და „მიმწოდებელი“ ხელშეკრულების არაჯეროვანი შესრულებისათვის დააჯარიმოს ხელშეკრულების საერთო თანხის 5%-ის ოდენობით.

13.5 განუსაზღვროს სამუშაოს დასრულებისათვის დამატებითი გონივრული ვადა, რა ვადაშიც „მიმწოდებელი“ ყოველ ვადაგადაცილებულ დღეზე იხდის, პირგასამტეხლოს ხელშეკრულების ხელშეკრულების საერთო ღირებულების 0,1%-ის ოდენობით.

13.6 თუ „შემსყიდველი“ დარწმუნდება, რომ შეუძლებელია შესასრულებელი სამუშაოს მოცულობის დასრულება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე, შეწყვიტოს ხელშეკრულება და „მიმწოდებელი“ დააჯარიმოს ხელშეკრულების საერთო ღირებულების 5%-ს ოდენობით.

13.7 თუ „მიმწოდებელი“ დამატებით ვადაშიც ვერ განახორციელებს სამუშაოს სრულად დამთავრებას, „შემსყიდველი“ წყვეტს წინამდებარე ხელშეკრულებას და „მიმწოდებელი“ ხელშეკრულების არაჯეროვანი შესრულებისათვის დააჯარიმდება ხელშეკრულების საერთო ღირებულების 5%-ს ოდენობით.

13.8 „შემსყიდველი“ უფლებას იტოვებს მოახდინოს პირგასამტეხლოს გამოქვითვა „მიმწოდებლისათვის“ ასანაზღაურებელი თანხიდან ან სახელშეკრულებო ღირებულებიდან დაუკავოს თანხა, გადასახდელი პირგასამტეხლოს ორმაგ ოდენობამდე, დაკისრებული ჯარიმის სრულ დაფარვამდე.

- 13.9** პირგასამტეხლოს გადახდა არ ათავისუფლებს „მიმწოდებელს“ ხელშეკრულებით ნაკისრი ვალდებულებების შესრულებისაგან.
- 13.10** პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

14. ხელშეკრულების მოქმედების შეწყვეტა

- 14.1** ერთი მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.
- 14.2** ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 5 (ხუთი) დღით ადრე მაინც, ამასთან უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 14.3** ხელშეკრულების ცალკეული პირობების მოქმედების შეწყვეტა, არ ათავისუფლებს მხარეებს ვალდებულებების შესრულებასთან.
- 14.4** მხარეთა შორის გაფორმებული მიღბა-ჩაბარების საბოლოო აქტი წარმოადგენს ხელშეკრულების მოქმედების შეწყვეტის საფუძველს.

15. ფორს-მაჟორი

- 15.1** მხარეები არ არიან პასუხისმგებელნი თვითნებური ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, სახანძრო, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწეწეს შესაბამისი დროით, გარემოებათა დასრულების შემდეგ.
- 15.2** თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის უფლების მოთხოვნის გარეშე.
- 15.3** მხარე, რომელსაც შეექმნა ფორს-მაჟორული გარემოება დაუყონებლივ აცნობებს ამის შესახებ მეორე მხარეს.

16. დავების გადაწყვეტის წესი

- 16.1** ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილი იქნას ორივე მხარის ერთობლივი მოლაპარაკების საფუძველზე.
- 16.2** შეთანხმების მიუღწევლობის შემთხვევაში მხარეები მიმართვენ სასამართლოს, საქართველოს კანონმდებლობის შესაბამისად.

17. ხელშეკრულების ინსპექტირების პირობები

- 17.1** „შემსყიდველს“ ან მის წარმომადგენელს უფლება აქვთ ხელშეკრულების ნებისმიერ ეტაპზე განახორციელონ კონტროლი (ინსპექტირება) „მიმწოდებლის“ მიერ ნაკისრი ვალდებულებების შესრულებაზე.
- 17.2** ხელშეკრულების კონტროლს ახორციელებს „შემსყიდველის“ მიერ გამოყოფილი სპეციალური ინსპექტირების ჯგუფი შემდეგი შემადგენლობით:
- 17.3** ინსპექტირება განხორციელდება წარმოქმნილი საჭიროებიდან გამომდინარე.
- 17.4** „შემსყიდველის“ მიერ გამოყოფილი ინსპექტირების ჯგუფი უფლებამოსილია განახორციელოს შესრულებული ან/და შესასრულებელი სამუშაოს მოცულობის, ხარისხისა და მიწოდების ვადების კონტროლი.
- 17.5** „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 17.6** „მიმწოდებელი“ ვალდებულია საკუთარი ხარჯებით უზრუნველყოს „შემსყიდველი“ კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.
- 17.7** ინსპექტირების ჯგუფი სამუშაოების ადგილას, პერიოდულად, სამუშაოების მიღება-ჩაბარების აქტის გაფორმებამდე ჩაატარებს შესრულებული სამუშაოების ინსპექტირებას, რომელიც გულისხმობს შესრულებული სამუშაოს მოცულობის და ხარისხის კონტროლს.
- 17.8** ხელშეკრულების ფარგლებში ანაზღაურებული იქნება მხოლოდ იმ სამუშაოს ღირებულება, რომლის მოცულობასა და ხარისხზე არსებობს „შემსყიდველის“ მიერ დადასტურებული აქტი.

18. დასკვნითი დებულებანი

- 18.1** მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას, დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 18.2** ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.

- 18.3** სამუშაოების შესრულებაში მონაწილე საინჟინრო-ტექნიკური პერსონალისა და მუშა-მოსამსახურეების შემადგენლობის არანაკლებ 70% უნდა იყვნენ საქართველოს მოქალაქეები.
- 18.4** ხელშეკრულება ძალაში შედის მისი ხელმოწერის მომენტიდან და მოქმედებს 2015 წლისმდე, გარდა ხელშეკრულების 12.1, 13.2, 13.3, 13.4, 13.5 და 13.6 პუნქტებით განსაზღვრული პირობებისა, რომლებიც ძალაშია ვალდებულებების სრულად და ჯეროვნად შესრულების მომენტამდე.
- 18.5** წინამდებარე ხელშეკრულება შედგენილია 4 (ოთხი) თანაბარუფლებიანი ძალის მქონე ეგემპლარად 3 (სამი) ეგემპლარი ინახება „შემსყიდველთ“, ხოლო ერთი ეგემპლარი გადაეცემა „მიმწოდებელს“.

19. მხარეთა მისამართები, საბანკო რეკვიზიტები და ხელმოწერები

„შემსყიდველი“

„მიმწოდებელი“

ხ ა რ ჯ თ ა ღ რ ი ც ხ ვ ა

(წარმოდგენილი უნდა იქნას დანართი №1-ის მიხედვით)

შენიშვნა:

- შესასრულებელი სამუშაოების სახარჯთაღრიცხვო ღირებულების განსაზღვრისას ტენდერში გამარჯვებულმა უნდა იხელმძღვანელოს „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 2012 წლის 12 ივლისის №1-1/1463 ბრძანებით;
- ერთსა და იმავე მასალაზე პრეტენდენტის მიერ უნდა დაფიქსირდეს იდენტური ფასი. ერთეულის ღირებულებასა და საერთო ღირებულებას შორის სხვაობის შემთხვევაში უპირატესობა ენიჭება ერთეულის ღირებულებას;
- გაუთვალისწინებელი ხარჯების არსებობისას ტენდერში გამარჯვებულმა უნდა უზრუნველყოს ასეთი ხარჯების დეტალური გაშიფრვა და დასაბუთება, რომლის საფუძველზეც განხორციელდება შესრულებული სამუშაოების აქტის გაფორმება. გაუთვალისწინებელი სამუშაოების გაწევის უფლება პრეტენდენტს ეძლევა შემსყიდველის ან მის მიერ უფლებამოსილი პირის თანხმობის შემთხვევაში. გაუთვალისწინებელი ხარჯები წარმოდგენილი უნდა იყოს ფიქსირებული პროცენტული მაჩვენებლის შეუცვლელად;
- გამარჯვებულ პრეტენდენტს დამატებით მოეთხოვება მის მიერ ვაჭრობის დამატებით რაუნდების შედეგად დაფიქსირებული საბოლოო ფასის შესაბამისი განფასება, თანდართული ფორმის შესაბამისად, ამასთან საბოლოო ფასის შესაბამისად განფასებულ ხარჯთაღრიცხვაში თვდაპირველად დაფიქსირებული ზედნადები ხარჯების და გეგმიური დაგროვების პროცენტული ოდენობის ცვლილება ზრდის მიხედვით დაუშვებელია.

სამუშაოების შესრულების გეგმა-გრაფიკი

(წარმოდგენილი უნდა იქნას დანართი №2-ის მიხედვით)

შესასრულებელი სამუშაოების (ფინანსური) გეგმა-გრაფიკი

სამუშაოების შესრულების ვადა (კალენდარული დღე)	სამუშაოების ეტაპების თანმიმდევრობა	სამუშაოების შესრულების პროცენტული მაჩვენებელი (%)	სამუშაოების შესრულების სახელშეკრულებო ვადები			
			30 დღე	დღე	დღე	-
			შესყიდვის ობიექტის ღირებულება: ლარი			
100	I	25%	ლარი			
	II	%		ლარი		
	III	%			ლარი	
	-	-				-

შენიშვნა:

- სახელშეკრულებო ღირებულების არანაკლებ 25%-ის მოცულობის შესაბამისი სამუშაოები უნდა დასრულდეს ხელშეკრულების დადების თარიღიდან არაუმეტეს 30 (ოცდაათი) კალენდარული დღის ვადაში, ხოლო დარჩენილი სამუშაოების ეტაპების განხორციელების თანმიმდევრობას (პროცენტული მაჩვენებლისა და შესაბამისი თანხების მითითებით) განსაზღვრავს თვით პრეტენდენტი, ზემოთ მოცემული ცხრილის მიხედვით;
- სამუშაოების შესრულების პროცესში ტენდერში გამარჯვებული პრეტენდენტი ვალდებულია იხელმძღვანელოს მოცემული გრაფიკით;
- განსაზღვრულ ვადაში სამუშაოების შეუსრულებლობა ან/და დაგვიანებით შესრულება გამოიწვევს გამარჯვებული პრეტენდენტის პასუხისმგებლობას, წინამდებარე სატენდერო დოკუმენტაციის ხელშეკრულების პროექტში განსაზღვრული წესის შესაბამისად.

პრეტენდენტის ხელმოწერა _____
(ხელმოწერის თანამდებობა, სახელი, გვარი)

ინფორმაცია ბოლო 5 (ხუთი) წლის (2010 წლის 1 იანვრიდან 2015 წლის 15 ივლისამდე პერიოდში) განმავლობაში ანალოგიური ან/და მსგავსი ხასიათის, სირთულისა და შინაარსის სამუშაოების შესრულების გამოცდილების შესახებ

№	შესრულებული სამუშაოს დასახელება (თითოეული ობიექტის მითითებით)	შემსყიდველი ორგანიზაციის დასახელება	ხელშეკრულების ღირებულება (ლარი)	სამუშაოს შესრულების სახელშეკრულებო ვადები		სამუშაოს შესრულების ფაქტიური ვადები		ფაქტიურად შესრულებული სამუშაოს ღირებულება მიღება-ჩაბარების აქტით (ლარი)
				დაწყება (თარიღი: რიცხვი, თვე, წელი)	დასრულება (თარიღი: რიცხვი, თვე, წელი)	დაწყება (თარიღი: რიცხვი, თვე, წელი)	დასრულება, მიღება-ჩაბარების აქტით (თარიღი: რიცხვი, თვე, წელი)	
1	2	3	4	5	6	7	8	9
1								
2								
.								

პრეტენდენტის ხელმოწერა _____

(ხელმოწერის თანამდებობა, სახელი, გვარი)

შენიშვნა:

- ტენდერში მონაწილე პრეტენდენტი ვალდებულია წარმოადგინოს ინფორმაცია სამუშაოს შესრულების გამოცდილების შესახებ, ზემოთ მოყვანილი ცხრილის სახით;
- ტენდერში მონაწილე პრეტენდენტს უკანასკნელი 5 (ხუთი) წლის (2010 წლის 1 იანვრიდან 2015 წლის 15 ივლისამდე პერიოდში) განმავლობაში უნდა გააჩნდეს ანალოგიური ან/და მსგავსი ხასიათის, სირთულისა და შინაარსის სამუშაოების შესრულების გამოცდილება, საერთო ღირებულებით არანაკლებ 200000 (ორასი ათასი) ლარის ოდენობით. პრეტენდენტმა ზემოთ მოცემული ცხრილის სახით უნდა წარმოადგინოს იმ ობიექტების ჩამონათვალი, რომლიც მან შეასრულა მოცემულ პერიოდში;
- პრეტენდენტი ვალდებულია წარმოადგინოს ანალოგიური სამუშაოების შესრულების შესახებ მოწოდებული ინფორმაციის დამადასტურებელი დოკუმენტები - შესრულებული სამუშაოების (საბოლოო) მიღება-ჩაბარების აქტ(ებ)ის ასლები;
- საჭიროების შემთხვევაში შემსყიდველი ორგანიზაცია უფლებამოსილია უზრუნველყოს წარმოდგენილი ინფორმაციის გადამოწმება.

ინფორმაცია პერსონალის გამოცდილებისა და კვალიფიკაციის შესახებ

№	თანამდებობა, სპეციალობა	სახელი, გვარი	მუშაობის საერთო გამოცდილება (წელი)	ანალოგიური ან/და მსგავს სამუშაოებზე მუშაობის გამოცდილება (კონკრეტული პროექტების მითითებით, რომლის შესრულებაში იღებდა მონაწილეობას მოცემული კანდიდატი)	ბიოგრაფიული მონაცემები (ინსტიტუტის დამთავრების წელი სპეციალობა, დიპლომის მიხედვით, ორგანიზაციებში დაკავებული თანამდებობა, წლების მიხედვით)
1				ნიმუში: წწ. პროექტის დასახელება:; დაკავებული თანამდებობა:;	
2					
.					
.					

პრეტენდენტის ხელმოწერა _____
(ხელმოწერის თანამდებობა, სახელი, გვარი)

შენიშვნა:

- პრეტენდენტმა უნდა წარმოადგინოს ინფორმაცია ძირითადი სპეციალისტ(ებ)ის (სამუშაოების შესრულებაზე პასუხისმგებელი პირ(ებ)ის) ხელმისაწვდომობისა და მათი კვალიფიკაციის შესახებ, რომელიც აუცილებელია ხელშეკრულების განსახორციელებლად. აღნიშნული ინფორმაცია წარმოდგენილი უნდა იქნას ზემოთ მოცემული ცხრილის შესაბამისად (ცხრილში შეტანილი უნდა იქნას იმ კონკრეტული ობიექტების ჩამონათვალი, რომლის შესრულებაში იღებდა მონაწილეობას მოცემული კანდიდატი და იმ დროისათვის დაკავებული თანამდებობა, წლების მითითებით);
- მოცემულ კანდიდატებს უნდა ჰქონდეთ უმაღლესი ან/და პროფესიულ-ტექნიკური განათლება და უნდა გააჩნდეს ანალოგიური ან/და მსგავსი ხასიათის, სირთულისა და შინაარსის სამუშაოების შესრულების გამოცდილება;

საგარანტო პირობები საექსპლუატაციო პერიოდში

პრეტენდენტის დასახელება _____

შესრულებული სამუშაოს სრულფასოვანი ფუნქციონირების საგარანტო პერიოდი მოიცავს საბოლოო მიღება-ჩაბარების აქტის გაფორმებიდან წელს.

პრეტენდენტის ხელმოწერა _____

(ხელმოწერის თანამდებობა, სახელი, გვარი)

შენიშვნა: შესრულებული სამუშაოს სრულფასოვანი ფუნქციონირების საგარანტო ვადა უნდა შეადგენდეს საბოლოო მიღება-ჩაბარების აქტის გაფორმებიდან არანაკლებ 2 (ორი) წელს.

ინფორმაცია პრეტენდენტის შესახებ

პრეტენდენტის (ფიზიკური და იურიდიული პირის) სახელწოდება/დასახელება და საიდენტიფიკაციო კოდი (ფიზიკური პირის შემთხვევაში პირადი ნომერი):	
პრეტენდენტის იურიდიული და ფაქტური მისამართი:	
მომსახურე ბანკის დასახელება, ბანკის კოდი და ანგარიშსწორების ანგარიში:	
პრეტენდენტის უფლებამოსილი წარმომადგენელი (სახელი, გვარი, მისამართი, ოფისის ტელეფონის ნომერი, მობილური, ელ. ფოსტის მისამართი):	

პრეტენდენტის ხელმოწერა _____
(ხელმოწერის თანამდებობა, სახელი, გვარი)